

序

邑之有誌久矣記山川

疆土物產民風以及古

今之沿革歷代之災

祥不博採兼收搜

此

不同國史

之半不精嚴而紀載

周詳采風者即可因

此以別是非定澹戒

焉則邑乘一編不綦



重歎今年春余謁選
都下得交於農部張公
聆其言論已畧悉浮
山梗概夏初來蒞此
邦觀風問俗知其朴

寔勤儉饒有古先遺
意及披閱舊志微憾
其未盡精詳因喟文
章一道作者固難述
者而自不易官斯土

者日從事於簿書錢穀又不暇及此數十年來文獻日甚湮沒其不致概於世徵者鮮矣未聞月觀察張公

以所修新志示余息心展玩其考核之精紀述之詳既明且確渙渾而嚴舉前此廢墜之典章釐出大


格又嗜書世難易惟
特其人是舉也有贈
君巍哉公為之前而
又得觀察公諸昆玉
為之後積十餘年之

心力遠稽遐考復不
惜捐貲付梓俾千餘
年之殘缺一旦集成
於今日豈徒善繼善
述已哉余承乏於土方

莫与邑之紳士共興
廢墜何幸而得觀察
公諸昆玉為之倡率也
行將以是編獻
朝右庶探風者樂而編

輯烏是為序

乾隆十年歲次乙丑季夏
勅授文林郎知浮山縣事
廣陵田有伊謨



浮山縣志序

古者列國皆有置史官以
紀其事即周禮外史之
職也後世國之郡有志邑
有乘頌史以寓褒貶立

賞罰垂千秋之法戒定
百代之是非善惡互陳
貞淫並列若乘則異者
錄而惡者不書貞者傳
而淫者不具第有紀載

之文而無勸懲之義豈
例有不同與然而紀山川
所以稽幅員之廣挾紀
疆土所以考賦役之重輕
學校闕乎人文官績本乎

治政忠孝有傳植綱常
也節烈有記彰壺範也
而且人物之隱顯必書時
歲之災祥必誌寔於記
載之中而存風勵之意

此乘之所以通於史也乃
吾觀昔之為史者如班史
失之固范史失之誕陳壽
之三國志多徇愛憎而
失是非魏收之北齊書每

通貨賄而忘公論識者不
能無譏焉要之史以傳信
信則可徵乘猶之史也聞
見不可以不博考據不可
以不精論斷不可以不當

俾採風者搜卷而知其
風俗之淳漓稽古者按冊
而知其人才之興替其有
關於治化豈淺鮮哉余
于乾隆癸亥初夏承乏

茲土披閱邑乘創自康
熙十二年前令潘公雖有
肇造之勞其中記載殊
多未備欲為增修又自
媿學識庸鄙弗具三長

兼以簿書鞅掌有志未
遠越明年冬適通議張
公手持志稿一帙示余曰
此先大夫因舊志簡略
謀之前令周公暨署令錢

公重加編輯者脫稿將成
而二公辭任先大夫捐館
其事遂寢余昆季輩
念先志未就思竟其業
焉余于退食之暇逐類

流覽見其序次精詳義
例明晰頗費苦心較舊志
加詳不啻十倍余何敢復
贅一詞唯自雍正壬子距
今已越一紀疆里山川雖

猶如故而

兩朝之因革損益歲時之消
長盈虛以及戶口之繁
庶賦役之增益學校之
蔚興仕宦之遷轉與夫

士女之芳規泚行隨省
疊見指不勝屈余與道
議公互相校讐廣搜編
纂按類續入不數月而告
竣用請歸之棗梨刊刻

成書是舉也捐一己之私
囊任闔邑之公事義毅
獨著既不借助於他山衆
論僉符允足昭垂乎奕
世余喜數十年來所遺

缺弗彰者一旦燦然布
列此固諸君子編輯之
功而余亦獲附名簡端
以光來許是則余之厚
幸也夫是為序

乾隆九年歲次甲子小春
勅授文林郎知浮山縣事庶城

賈酉撰



浮山縣誌序

余聞之修廢舉墜者學士大夫之責而繼志述事者仁人孝子之行也夫事有關於人心風俗無論其分之得爲與不得爲皆可以毅然爲之而

不辭昔孔子之作春秋也筆則筆削則削以匹夫而上操二百四十年南面之權故曰知我者惟春秋罪我者惟春秋而天下後世卒不敢以其僭而議之如謂非吾分所得

爲而諉之而得爲者又不克
爲焉將廢者終不復修而墜
者終不復舉考古者所爲浩
然太息也浮山邑乘創自
國初始之者旣畧而弗詳繼之
者復成而未果百年來殘缺

之典幾等於腐草螢光奄奄
一息矣余

宗伯通議公恐文獻之無徵
慨然以修明爲已任脫稿甫
就旋即捐館余昆季等仰承
先志重行編輯而以其事屬

余余媿無茂先之博聞疆記
又籍非土著恐見聞不廣貽
譏有識然憶昔備位詞垣謬
居史職凡四方之山川風土
人物名賢蓋嘗三致意焉浮
堯墟也其俗儉其風淳思深

哉其陶唐氏之遺民乎是以
俊偉之彥閨閣之英與夫忠
孝節義之士接踵而出異日
採風而登太史之書者將指
不勝屈烏可聽其湮沒弗彰
使後世無從考溯也哉爰與

分纂分校諸君子悉心搜攬
拾遺補闕功歷寒暑始獲成
書是書也雖未知有當於古
制作之林與否而引古證今
義取其備例取其嚴不敢採
春華而遺秋實買文櫝而棄

明珠如紀星緯則本於五行
志紀疆輿則本於風土記紀
仕宦隱逸則本於世家列傳
贊至於學校以徵文治沿革
以明興替土產以別物宜災
祥以示修省事倍於前文增

於舊旣以僅一邑之□章而
於人心□□六□無有所□
益斯蓋余宗昆季等以仁孝
之心而成其繼述之事而凡
獲操鉛槧與於編輯之列者
其亦樂爲襄贊而相與有成

也夫是爲序

峕

乾隆十年秋七月穀旦

賜進士出身

誥授奉政大夫雲南道監察御史
協理陝西道事前翰林院檢

討加一級蜀朗池張乾元撰



浮山縣志

序

六

續浮山縣志稿序

舊志修於康熙壬子歷今五十九年老成凋謝兼地震之餘冊籍散落長吏有事茲土者終四五十年或不能舉其去來歲月他可

知己方今

聖天子稽古右文新開一統志
館令直省二三年內各輯
成通誌獻山右被

命既設局會城曰檄下郡縣於
舊志外皆續為草檢以脩

採擇上溯舊志告成之季
支干相配數一週矣豈所
謂天道變於上則人事應
於下者乎夫星辰纏次終
古不移山河形勝間有變
遷至如城郭廢興風俗淳

漓則月異而歲不同矣然
苟典非甚鉅雖小有損益
既載舊志何煩多贅惟
先農有壇 關帝三代有
廟 以及忠孝節義等祠皆
制以義起斷自

宸衷為千古勅舉而我朝
列聖相承聲教四訖無遠弗屆
浮雖蕞爾乘時策勲視簪
有加下逮委巷匹夫匹婦
無不以廉耻節義相摩勵
者何其盛也踵事之增可

缺乎哉顧地乏通儒麓慚
鄴架而風塵下吏紛挐於
簿書獄訟之間筆墨久荒
□ 陋就簡雖粗備故實比
諸自鄆叭下矣後有作者
□ 擄華旁搜遠討彌前

人之罅漏 □ 下邑之完書
閱覽君子聊以是為簸揚
之糠粃可也 □ □

雍正八年歲在庚戌秋月
浮山縣知縣山左周毓正
識



序

周官小史掌邦國之志
外史掌四方之志至漢
蘭臺令有志東觀繼之
九海寓之山川風土職
貢官師謠俗景物辭章

條分派別實權輿焉迨
其後郡國有圖經風土
有記方輿有考而郡邑
志滋繁矣浮山為唐虞
甸服地唐宋胥班上縣
自金大定中定縣名浮

山至明季而戶口減耗
國家加惠元元休養寬恤
寢獲與他縣齒而士風
亦進而彌上顧舊志訛
缺事蹟弗彰迺司牧者
之責也雍正庚戌冬予

承乏委署政教所關雖
自慚謏劣不敢不竭蹶
趨事會邑通議孝廉二
張公有修邑志之役予
共為商榷蒐輯遺文寢
獲成書凡析類三十有

七各為一卷視舊志倍
之而通議公之研精蒐
輯尚未有艾也壬子秋
予復被檄署臨晉而志
適告成通議公遣价持
書請予序其端予嘗誦

蔣文定公集曰九州之
志豈徒事彌文以飾吏
事哉辨封域則欲其慎
固別淑慝則欲其勸懲
錄丁口頃畝則欲徭賦
均平書學校教化則欲

習尚淳嫻曰至物產豐
耗吏治得失莫不各有
微意于其間皆所以為
政化計也至于文事武
備內修外寧不可曰一
日弛故尤致意焉予以


為史志之義例不越此
今雖不敢比小史外史
勒為一編以彰

聖朝風化典章之極盛而猶
幸偕通議公成是編獲
附圖經風土記方輿地

輿諸書後以脩通志採
擇則後之君子欲逃稽
神山掌故者庸或有小
補云爾

雍正十年歲壬子冬月
前署知浮山縣事今署

知臨晉縣事南蘭錢標
撰



序
後漢建武中始詔南
陽記風俗嗣是沛三
輔有耆舊節士之序
魯廬江有名德先賢
之贊郡國志乘寢以

興矣隋詔天下諸郡
條其物產地圖上於
尚書遂有諸郡物產
土俗之記而州縣志
乘亦胥繇是繁衍焉
予邑古有志明季兵

燹雕板放失
國朝康熙十二年邑侯
寧遠潘公復編纂成
書於今八十有餘季
矣歲戊申
聖天子稽古禮文

詔直省纂脩通志蓋金匱
石室之書蓬萊羣玉
之藏海內才喆既胥
採繹矣予爰與堂弟
大統議脩邑志昕夕
探討蘄備邑中掌故

而二子遠宦黔齊亦
蘄用是儀型之會邑
侯錢公泣事政成人
和共為揚摧而余弟
倏有人琴之悲復獨
任其事以成厥志凡

三閱年而業始就卷
分三十有七益先正
所未脩啓後學於來
茲此予惓惓之志也
昔予邑載籍記於四
庫書目者唯唐李公

用德有羊角山晉州
慶唐觀記一卷至宋
邢學士而崇文總目
載錄差多若後之君
子繇予書而益擴之
則沛三輔之序魯廬

江之贊尚其無專美
於漢代也哉

峯

雍正十年壬子冬月
誥封通議大夫貴州按察
使司按察使原任湖

廣 鄗 縣 知 縣 邑 人 張
垚 撰 於 文 明 書 園



原序

蓋聞莫爲之前雖美弗彰莫爲之後雖盛弗傳凡以表微闡幽固學士文人之事而興廢舉墜實官斯土者之任也余以康熙壬子歲恭膺

簡命來宰浮邑見其地瘠其民貧其風俗淳儉惟是甫經兵燹之後山川猶是人民半非城郭垣墉衙署祠宇殘毀傾圮百廢之未興者應俟次第補葺外及取閱邑乘則已十亡八九凡人物名賢忠孝節義之類其

浮山縣志

序

一

有懿行可錄善績可紀者詢之故老幾不能詳述其本末矧自今以往又將何所考徵乎余正怒焉於懷適奉有纂輯志書之檄余於是齋盥焚誓矢慎矢公搜訪綜輯分類別門採真棄僞一邑之事備載無遺名雖因而實則創事雖舊而義則新蓋所以仰遵憲令而默寓激揚之微意也書成爰付剞劂以示將來庶乎興廢舉墜俾前之美者因此而彰後之盛者藉此而傳矣若夫發抒鴻藻敷揚彩筆是所望於博雅

之儒而是書亦第分草創之一得云爾是爲序

康熙十二年八月望日平陽府浮山縣知縣寧遠潘

廷侯撰

浮山縣志

序

二

原序

恭惟

聖主撫運膺圖總車書而觀萬國俾天下郡邑纂輯志書
甚重典也予小子眇見寡聞三長乏技邑侯寧遠潘
公奉

諭旨而諮之本邑學博諸生不以予爲不肖過相推許予
固謝不敏公以爲憲令攸關不可無人以職其事勉
諭深至是以受命不辭方事之始予以體制未嫻

浮山縣志

序

一

求指授公曰志與史名雖異而實則同古來惟司馬
遷號稱良史謂其善於敘事不虛美不隱惡也載筆
者必學術正而好惡公方可勝任予因是矢公矢慎
據事直書夫山川形勢固千秋不改至於風俗人情
之遷變宮室坊里之廢興雖事屬瑣屑而亂離之後
實廢名存舊志原板又復散落難稽詢採綜輯頗亦
智困而神煩矣司馬溫公曰教化國家之先務風俗
天下之大事故於忠孝節義人物名賢之類贊揚稱

述尤致謹焉其事無可傳雖赫奕不爲假借善有
可紀卽側陋亦與搜揚況邦國有志用以傳信將來
片語隻辭千秋榮辱倘評置爽衡不惟爲物議所叢
而賢人君子義士節女之英魂烈魄將有伺我於冥
冥者顧可以褒譏失實玷生平而羞史哉若此者所
以仰體邑侯責成之意亦不敢自負所學也昔楊文
貞士奇於彭侍御百鍊素不相能而爲之製辭褒美
甚至曰君子不以私害公予雖不敏竊願自附於前

賢矣凡爲類四十有六爲卷有四三易稿乃克成編
要皆質語平宣無能發抒鴻藻此則予資量之所至
敢謂延露巴人可妄試於鈞天雅奏也哉

康熙癸丑歲初冬邑庠廩膳生員後學秦紹襄撰

浮山縣志

九例 一十六則

一 邑志體義取詳備舊乘缺畧實多今編輯增補者十之五六凡史傳省郡各志一事一言之有關者悉行載入

一 舊志類繁事簡今照省郡志體例共爲三十七類每類冠以小敘其有事頗相近不能成帙者附焉

一 建置沿革自陶唐迄今數千餘年名易地移隸屬無

浮山縣志

九例

一

常稽古者疑信各半今參酌舊籍考證諸說以成畫

一

一 輿圖職方所係舊志未備今詳加訂正繪列卷首俾

全邑形勝瞭如指掌

一 有事若可緩而實係邑政之大者若關隘武事今特增入以著綢繆未而之意

一 職官舊志知縣始明洪武學博丞尉并明季亦遺之今於府乘暨邑碑碣中上至宋元搜補十餘以備稽

攷

一貢舉一則恩拔歲副例胥編年敘列惟例貢名稱
同懼年久莫辨特於歲貢加一正字

一名宦舊志入祠者二人今照郡志採八共六人餘列
職官其實有功德於民暨宦績之可見者各因事列
傳蓋入祠有待公論已定也

一人物不列見在其蓋棺論定者各稽其事實列傳敘
入

浮山縣志

九例

二

一孝義爲人物之幹其大節無虧一行足錄者概行敘
入以見善善欲長之意

一節婦照舊志悉錄復將已經旌表者續入外凡守志
年踰五十雖未經奏聞而爲 上憲旌獎者胥載之
以維風化至山陬僻壤一時未能周知者俟再爲補
入

邑乘取足門類附會往事者頗多今於仙釋流寓之
傳記及古 之其 方披不

附會妄增

一古蹟有關政治風化者雖久廢必書以示愛禮存羊之意

一祥異係天人感應之機人事見於下斯天道應於上今自陶唐以來舉凡嘉祥盛瑞災 潦之類悉行

記載以明休咎

一藝又義存宴故自元明以上雖蠹簡殘碑博採廣收擇其關政治山川言詞雅正者概行採錄

浮山縣志

凡例

三

一邑乘創自

國朝康熙癸丑寧遠潘公增修於雍正壬子山左周公南

蘭錢公告竣於乾隆乙丑經諸公網羅剔 彙成一

書前勛難沒悉列名於篇首并存其原序

重修浮山縣志姓氏

總裁

浮山縣知縣賈西

字噩軒直隸束鹿人甲午舉人有

張乾元

字羲一號敬亭四川營山人丁未進士翰林院
檢討雲南道監察御史協理陝西道事有序

分纂

皇甫奎

字斗山號大迂聞喜縣庠生

張華

字野菴號雪岷翼城縣太學生

校閱

浮山縣志

重修

姓氏

一

浮山縣儒學訓導溫

厲

字子威潞安府長子人
歲貢

監修

浮山縣典史傅朝宗

字德旋浙江山陰人律貢

參訂

張萬屏

字翰臣號雙桐邑庠增廣生員

張體義

字雲如號澹齋貴州按察使司按察使有序

張再齡

字遐甫號采岩刑部湖廣清吏司郎中

張體中

字嵩麓號恬齋兵部車駕清史司郎中

張慶潮 字肖韓號學海候 部寺 務

張介福 字爾康號景軒侯選府通判

采輯

侯掄賢 字躋廷太學生

張澤瑛 字含美廩貢

張煦 字和章邑庠生

較刊

楊翔可 字鵬躍太學生

浮山縣志

重修 姓氏

燕大禮 字節菴大學生

歷年纂修浮山縣志姓氏

國朝康熙十二年

創修

浮山縣知縣潘廷侯

字次公三韓寧遠州舉人有序

校正

浮山縣儒學訓導王承訓

太原榆次人貢生

督刊

浮山縣典史戴日杲

陝西富平人

浮山縣志

創修

姓氏

一

編纂

秦紹襄

字謙祉邑庠廩膳生員有序

叅

喬昌齡

字允公號尤錫壬子舉人沁州學正

國翰

字歲貢考授訓導

齊鳴

字友聲恩貢考授縣丞

采輯

許州尹

字穎候恩貢考

浮山縣志

目錄

卷之一

圖考

卷之二

星野

卷之三

建置沿革

浮山縣志

目錄

一

卷之四

疆域 形勝 鄉坊 里所

卷之五

城池 市集 關廂 牌坊

卷之六

山川 水利 八景

卷之七

關隘 鎮堡

卷之八

橋梁 茶亭

卷之九

學校 名宦 鄉賢 忠義孝弟 節孝

卷之十

公署

卷之十一

戶口

浮山縣志

目錄

二

卷之十二

田賦 倉儲 塩引

卷之十三

運支

卷之十四

兵防

卷之十五

驛傳 舖遞

卷之十六

封建

卷之十七

職官
闔屬 農官 駐防

卷之十八

宦績

卷之十九

選舉
文甲科 文鄉科 薦辟 貢舉 例監
吏舉

浮山縣志

目錄

三

卷之二十

材武
武甲科 武鄉科 武勇

卷之二十一

賄封

卷之二十二

人物

卷之二十三

孝義

卷之二十四

列女

卷之二十五

流寓

卷之二十六

仙釋

卷之二十七

風俗

浮山縣志

目錄

四

卷之二十八

物產

卷之二十九

古蹟

卷之三十

園亭

卷之三十一

陵墓

卷之三十二

祠祀

卷之三十三

寺觀

卷之三十四

祥異

卷之三十五

兵氛

浮山縣志

目錄

五

卷之三十六

雜志

卷之三十七

藝文

浮山縣志卷之一

圖考

昔周官詔觀事則有志詔地事則有圖蓋名物可以籍
 紀而形象非圖莫考也志之有圖信經野先資哉浮山
 古神山星次疆域山川城池廨學形象胥不可畧今悉
 圖之以存職方之遺俾觀者不出簡編而風土景物獲
 寓目焉志圖考

浮山縣志

卷之一

圖考

一






浮山縣志

卷之一 圖考

二







浮山縣志

卷之一

圖考

四








浮山縣志

卷之一

圖考

六





浮山縣志

卷之一

圖考

八

神

山

素嶺晴嵐



浮山縣志

卷之一

圖考

九






浮山縣志

卷之一

圖考

十





浮山縣志

卷之一

圖考

十一





浮山縣志

卷之一 圖考

十二









龍洞雪玲





豐京鳴環

浮山縣志

卷之一

圖考

十六